



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De contentione sanctorum Angelorum cum daemonibus, pro anima
cuiusdam vsurarii contriti, cap. 32

urn:nbn:de:hbz:466:1-13177

æ sterilitatis, ut in primo anno modius siliquinis venderetur marca argenti. Reliqua huius visionis nimis sunt obscura, nec patet meo intellectui. APOLLONIVS: Tempore diuisionis Romani Imperij, Dominus Innocentius Papa à multis iudicabatur, ita ut eum diceret eiusdem schismatis auctorem, primò partē Ottonis nimis fouēdo, postea eundē persequēdo. CÆSARIVS: Propter hoc, cùm idem beatæ memorie Innocentius die quadam sermonem Romæ ædificatorum ficeret in populo, Ioānes Capotius, qui Ottoni fauebat, eius sermonem interruptus, dicens: Os tuum os Dei est, sed opera tua opera sunt diaboli. APOLLONIVS: Peto ut nūc reuertaris ad cōtritionem, à qua, occasione quotundam verborum, satis digressum est. CÆSARIVS: Tanta est virtus cōtritionis, ut nullum ei obstat pos sit peccatum, non periuria, non homicidia, non furtæ, nec usuræ quidem.

CAPVT XXXII.

RETULIT mihi senex quidam sacerdos & monachus nigri ordinis, natione Saxo, rem memoria dignissimam de quodam usurio, nec constat mihi si scripta sit. Dixit quendam fuisse usurarium diutinem nimis, qui diuersarum ecclesiarum thesauros loco pignoris tenebat, cuius cùm esset inexplebilis auaritia, percussus est peremptoria infirmitate. Tunc primum in se reuersus, licet sero, considerare cœpit pondus usuræ, tormenta gehennæ, difficultatem pœnitentia: & vocans ad se quendam nigri ordinis Abbatē sibi familiarē, dixit ei: Domine, grauiter infirmor, nō possum aliquid de rebus meis ordinare, neq; usuras acceptas restitueré; si volueritis de anima mea Deo reddere rationē, peccatorum meorū mihi promittere absolutionē, omnia bona mea, tam mobilia quā immobilia, potestati vestræ subjiciam, ita ut de illis q̄ visum vobis fuerit faciat. Cernens Abbas hominem contritum, & verè pœnitentem, respondit: Ego delibero, festinansq; ad Episcopū, verbavsurarij ei exposuit, & quid consuleret inquisiuit: respondit Episcopus: Bonum mihi videtur, ut pro anima eius spondeas,

& sub-

Vsuratio
rum con-
uerſiones

& substantiam suscipias, ita duntaxat, ut ecclesiæ meæ
thesaurum mihi restituas. Mox Abbas ad ægrum re-
diens ait: Ego deliberaui ut bona tua suscipiam, &
pro peccatis tuis Deo spondeam; respondit infirmus:
Nunc consilium meum est, ut allatis curribus, omnia
mea prius efferas, & menouissimè tollens, nullum pa-
tieris impedimentum in efferendo: habebat enim
duas archas plenas auri & argenti, pignora etiam plu-
rima in vasis, in libris, varijsque ornamentis, frumen-
tum, vinum, supellectilem multam, pecoraque infi-
nita. Tunc Abbas prius omnibus præmissis, nouissi-
mè in gestorio ponens infirmum, properauit ad
monasterium: sed mox ut ille monasterium intrauit,
spiritum exhalauit. Abbas verò, non immemor spon-
sionis, in quantum potuit, usuras restituit, plurimas
pro illius anima largiens eleemosynas, residuum in
usus fratrum conuertit. Positum est corpus in orato-
rio, choris psallentium circa illud ordinatis: in ipsa
noëte, cum fratres attentiùs psallerent, quatuor terti
spiritus apparentes, feretrum à parte sinistra circum-
stabant, quibus visis, territi fratres, omnes, excepto
vno seniore, fugerunt. Et ecce totidem Angeli sancti
contra quatuor dæmones à parte dextra se ordinabāt,
moxque is, qui primus inter dæmones videbatur, in
Psal. 35. illud Dauidicum erupit: Dixit insipiens, ut delinquat
in semetipso, non est timor Dei ante oculos eius: hoc
in isto homine impletum est. Alter dixit: Quoniam
dolosè egit in conspectu eius, ut inueniatur iniurias
eius ad odium. Cui tertius subiunxit: Verba oris eius
iniurias & dolus, noluit intelligere ut bene ageret.
Quartus dixit: Iniuriam meditatus est in cubili
suo; astitit omni viæ malæ, malitiam autem non odi-
uit. Tunc simul omnes dixerunt: Si Deus iustus, & ver-
ba eius vera, homo iste noster est, quia omnium horū
reus est. Responderunt sancti Angeli: Si contra eum
carmen Dauidicum profertis, procedite. Dixerunt
dæmones: Ista nobis sufficiunt ad eius damnationem.
Ad quod Angeli responderunt: Ex quo vos tacetis, nos
incepti psalmi residua proferemus. Ait itaque pri-
mus:

inuis: Domine in cœlo misericordia tua, & veritas tua
vsque ad nubes. Cui secundus adjecit: Iustitia tua sicut
montes Dei, iudicia tua abyssus multa. Tertius verò:
Homines & iumenta saluabis Domine, quēadmodū
multiplicasti misericordiam tuam Deus. Cūq; quartus
subiunxit: Filij autem hominum in tegmine
alarum tuarum sperabunt; simul in hanc vocem eru-
perunt: Quia Deus iustus est, & scriptura solui non
potest, filius hic hominis noster est, ad Dominū con-
fugit, ad Dominum ibit, quia sub tegmine alarum il-
lius sperauit. Inebriabitur abvbertate domus eius, qui
se lacrymis contritionis inebriauit, & torrente volu-
ptatis suæ potabit eum: quoniā apud ipsum est fons
vitæ, & in lumine eius videbit lumen. Ad hanc vocem
dæmonibus confusis, & obmutescientibus, cœlestes
nuntij animam contriti peccatoris tollentes, illis so-
ciauerūt, de quibus Saluator in Euāgeliō dicit: Gau-
diū est in cœlo angelis Dei super vno peccatore peni-
tentiam agente. APOLLONIVS: Quid amplius profuit
vsurario, eleēmosynæ an contritio? CÆSARIUS: Hoc
securè nōc, quia si contritio defuisse, modicum illi
eleēmosyna profuisset. Vis audire quantum Deus ac-
ceptet eleēmosynas vsurarij? APOLLONIVS: Volo, &
desidero.

Luca 15

CAPVT XXXIII.

CÆSARIUS.

Mltiorum ore celebratur adhuc Colonię fa-
ctum cuiusdam vsurarij, in ecclesia S. Ge-
reonis martyris sepulti, qui cùm esset diues
& auarus, tandem diuina misericordia compunctus, sa-
cerdotem adjit, confessionem fecit, & vt Deū pro pec-
catis suis placaret, pollicitus est quia omnia sua pro
illius nomine pauperibus erogaret; cui sacerdos re-
spondit: Incide de panibus tuis eleēmosynas, ita vt ci-
stam ex eis impleas, claudesque illam; qui cùm die al-
tera eandem arcam aperiuisset, quot ibi posuerat eleē-
mosynas, tot in ea reperit bufones; cui cùm sacerdos
diceret: Vides nūc quātū Deo placeat eleēmosynæ de-
vusra? territus ille respōdit: Domine quid faciā? Si vis,

G

inquit,